

ВЫНСЬӨДӨМА

Коми Республикаса Веськӧдлан котырлӧн
2020 во лӧддза-номъя тӧлысь 15 лунся 304 №-а шуӧмӧн
(18 №-а содтӧд)

“Селанюр” республика тӧдчанлуна
канму вӧр-ва заказник йылысь

ПОЛОЖЕНИЕ

1. Панас

“Селанюр” республика тӧдчанлуна канму вӧр-ва заказник (водзӧ – заказник) артмӧдӧма “Коми АССР-ын заказникъяс да вӧр-ва памятникъяс индӧм йылысь” Коми АССР-са Министръяс Сӧветлӧн 1978 во вӧльгым тӧлысь 30 лунся 484 №-а шуӧм серти.

Заказник лӧӧ республика тӧдчанлуна торйӧн ёна видзан вӧр-ва мутасӧн (водзӧ – ООПТ) да сылӧн эм гидрологическӧй (нюрвывса) нырвизь.

ООПТ-лӧн тыр ним: “Селанюр” республика тӧдчанлуна канму вӧр-ва заказник.

ООПТ-лӧн дженьыд ним: “Селанюр” заказник.

Заказниксӧ артмӧдӧма вына кадколаст урчиттӧг да заказниклӧн мудорьясын меститчысь му участокьяссӧ вӧдитчысьяслысь, кутысьяслысь да кийн кутысьяслысь босьттӧг.

Заказник котыртан да сійӧс уджӧдан юкӧнын канмусянь веськӧдлӧмыс, заказник видзан да сыӧн вӧдитчан юкӧнын канму дӧзьӧрыс збыльмӧдсӧ Коми Республикаса Веськӧдлан котырӧн уполномочитӧм Коми Республикаса олӧмӧ пӧртысь власьт органӧн да (либӧ) сылӧн ведомствоувса канму учреждениеӧн, кодлы сетӧма лӧсялана уджмогъяссӧ (водзӧ – заказникӧн веськӧдлысь орган).

2. Заказник артмӧдан медшӧр могъяс да сылӧн могъяс

2.1. Заказниксö артмөдöма сы могысь, медым видзны вылыс нюр система.

2.2. Заказниклөн медшөр могъяс:

видзны экологическöй öтвесьталунсö;

видзны ландшафтнöй да биологическöй унапöлöслунсö, сы лыдын шоча паныдасын быдмög сикас;

видзны ва экосистемаяслысь гидрологическöй режимсö;

туявны вөр-ва комплексъасын естественнöй процессъассö да видзöдны экосистемаяслөн серпас бöрся.

3. Заказниклөн меститчанін да площадь

3.1. Заказник меститчö “Кöрткерöс” муниципальнöй районса муниципальнöй юкөнлөн мутасын Пезмög сиктсынь войвылö 10 км ылнаын, Шойнатыса лесничестволөн Пезмөгса участковöй лесничестволөн 113, 121-124, 133, 134 кварталъяслөн мудоръясын.

Заказник меститчанінлысь карта-схемасö вайöдöма тайö Положение дорö 1 содтöдын*.

3.2. Заказник мутаслөн площадьыс лöб 1400 га.

* Оз йöзöдсы.

4. Заказниклөн мудоръяс

4.1. Заказниклөн мудорыс муно Шойнатыса лесничестволөн Пезмөгса участковöй лесничестволөн 122 кварталса 21 выделлөн рытиввойвыв помсянь 122 кварталса 21 выделлөн войвыв мудорті, 122 кварталса 20 выделлөн асыввыв мудорті, 122 кварталса 14 выделлөн лунвыв, рытиввыв да войвыв мудорті, 123 кварталса 6 выделлөн рытиввыв мудорті,

123 кварталса 5 выделлөн лунвыв, асыввыв да войвыв мудорьясті, 122 кварталса 10 выделлөн лунвыв, асыввыв да войвыв мудорьясті, 123 кварталса 4 выделлөн лунвыв, асыввыв да войвыв мудорьясті, 122 кварталса 8 выделлөн лунвыв, рытиввыв да войвыв мудорьясті, 113 кварталса 27 выделлөн рытиввыв да войвыв мудорьясті, 113 кварталса 26 выделлөн лунвыв мудорті, 113 кварталса 28 выделлөн рытиввыв, войвыв да асыввыв мудорьясті, 123 кварталса 6 выделлөн войвыв мудорті, 124 кварталса 13 выделлөн асыввыв мудорті, 123 кварталса 6 выделлөн асыввыв мудорті, 124 кварталса 22 выделлөн войвыв, асыввыв да лунвыв мудорьясті, 123 кварталса 6 выделлөн лунвыв мудорті, 133 кварталса 6 выделлөн асыввыв, лунвыв да рытиввыв мудорьясті, 122 кварталса 33 выделлөн рытиввыв да войвыв мудорьясті, 123 кварталса 6 выделлөн рытиввыв мудорті, 122 кварталса 21 выделлөн лунвыв мудорті, 121 кварталса 21 выделлөн лунвыв, рытиввыв да войвыв мудорьясті петан чутөдз.

4.2. Заказниклысь мудорьяссө петкөдлөма карта-схема вылын тайö Положение дорö 2 содтöдын*.

* Оз йöзöдсы.

5. Заказниклөн мудорьясын меститчөм

видзан вөр-ва комплексъяс да налөн компонентъяс

Заказниклөн видзан вөр-ва комплексөн лоö гырысь нюр системаөн, коді артмө некымын вылыс массивысь, кутшөмъясöс торйөдöны мезотрофнöй гыбадыяс. Унджык площадьсö босьтöны олиготрофнöй вутшка-гыбада да омöля тöдчысь мусюра-йөнöда комплексъяс. Системалөн торья юкөнъясын вутшъяс да мусюръяс босьтöны площадьлысь 20-25-сянь 70 %-öдз. Джудждөдөмъясын паськалөма пожөма-куста-нитшка да пожөма-куста-мырпома-нитшка фитоценозъяс. Паныдасьöны пожөмлөн (*Pinus sylvestris*) увтыртөм шоч пуяс. Бура төдчө туруна-куста ярус, сійöс артмөдö

керч (*Ledum palustre*), нюрвывса момга турун (*Chamaedaphne calyculata*), обоеполый понпир (*Empetrum hermaphroditum*), обыкновенной чодлач (*Vaccinium uliginosum*) да мырпом (*Rubus chamaemorus*), влагалищной гонаюр (*Eriophorum vaginatum*), этша дзоридза эжор (*Carex pauciflora*), посныйд вотоса турипув (*Oxycoccus microcarpus*), нюрвывса турипув (*Oxycoccus palustris*) да гогрос корья лысва турун (*Drosera rotundifolia*). Му веркосын ыджыдало рудовгорд нюр нитш (*Sphagnum fuscum*). Вутшкостса микроляпкыдиньясын паныдасьоны куста-гонаюра-нитшка фитоценозьяс, а гыбадьясын да йонодьясын - шейхцерия-нитшка да гонаюра-нитшка откотырьяс. Нитшка веркосын ыджыдало векныйд корья нюр нитш (*Sphagnum angustifolium*), магелланской нюр нитш (*Sphagnum magellanicum*), Руссовлон нюр нитш (*Sphagnum russowii*). Гыбадьяс да йонодьяс ена васодось, откымыныс кадья да мунны позьтом. Сэни ыджыдалысь нюрыв шейхцерия (*Scheuchzeria palustris*) да гордов гонаюр (*Eriophorum russeolum*) кындзи пыр паныдасьо сомын нюрывса турипув да ном-геб куталысь лысватурун. Нитшьясысь тани ыджыдало балтийской нюр нитш (*Sphagnum balticum*). Ена васод условиеясын паныдасьо Линдберглон нюр нитш (*Sphagnum lindbergii*), Йенсен нюр нитш (*Sphagnum jensenii*) да ыджыд нюр нитш (*Sphagnum molle*).

Массив помьясын да ена васод дорьясын паськалома бутылчатой эжорлон (*Carex rostrata*), влагалищной гонаюрлон, кадвуллон (*Menyanthes trifoliata*) да нюрывса шейхцериялон откотырьяс, кодлон нитшка веркосын ыджыдало вежласяна нюр нитш (*Sphagnum fallax*) да Йенсен нюр нитш (*Sphagnum jensenii*). Нюр дорьясын быдмо чутось мосняк турун (*Dactylorhiza maculata*), кутшомос пыртома Быдмогьяслон лыддьогго (список), кодьяслон вор-ваын олом борся коло торйон видзодны да кодьясос вожьома босьтны биология боксянь дозьор улө, мый вынсьодома Коми Республикаса вор-ва озырлун да гогортас видзан министерстволон 2019 во рака толысь 27 лунся 498 №-а тшөктөдон (3 №-а содтөд).

6. Заказник торйөн ёна видзан режим

6.1. Заказниклөн мутасын оз позь вöчны овмöс нуöдан да мукöд удж, мый вöсна вермас торксыны экосистемаяслөн дзоньлуныс, сы лыдын:

- 1) капитальнöя стрöитан объектъяс стрöитöм;
- 2) линейнöй объектъяс стрöитöм, тайö Положениелөн 6.2 пунктын индöм случайяс кындзи;
- 3) абу капитальнöй стрöйбаяс да сооружениеяс стрöитöм, заказниклысь уджалöмсö могмöдöм могысь найöс стрöитöм кындзи;
- 4) пуяс да кустъяс кералöм да механическöя жугöдöм (виччысьтöм да аварийнöй ситуацияяс кындзи);
- 5) абу пуа вөр ресурсъяс, вöрса сёян-юан да бурдöдан быдмөгъяс заптöм да чукöртöм, индöм ресурсъяссö да быдмөгъяссö гражданаён асланыс могъяс вылö заптöм да чукöртöм кындзи;
- 6) прöмыслöвöя кыйсьöм;
- 7) муяс бурмöдöм;
- 8) химия препаратъяс да мувердас видзöм да наён вöдитчöм;
- 9) туйясысь, кутшöмъяс эмöсь, да торйөн индöм местаясысь бокин механизируйтöм транспортлөн ветлöм да сулалöм (заказник видзöм серти мероприятиеяс, а сідзжö заказник мудорьясын меститчысь вөр-ва комплексъяс да объектъяс видзöм да бөр лöсьöдöм серти мероприятиеяс нуöдöмкöд йитчöм случайяс кындзи), механическöй транспорт средствояс кындзи, кутшöмъяс ветлöны да сулалöны тöвся периодö, лым эжöд пуксьöм бöрын сэк, кор тайö оз тшыкöд му веркөссö, быдмөгъяссö да вөр пуктасьяссö;
- 10) туясян (корсысян, геофизическöй, геологоразведочнöй) уджъяс, муывьса да механизируйтöм средствоясөн вöдитчöмкöд да му веркöс да быдмөгъяс тшыкöдöмкöд абу йитчöм уджъяс кындзи;
- 11) мупытшса озырлун, сы лыдын трунда, туялöм да перйöм;
- 12) заказниклысь мутас ёгöсьтöм да няйтчöдöм, а сідзжö

производство да потребление шыбласьяс меститөм (видзөм да гуалөм), ортсө лэдзан ва нуөдөм;

13) геологическөй, ботаническөй, зоологическөй да мукөд коллекция чукөртөм, заказникөн веськөдлысь органкөд сөгласуйтөмөн наука-туялан могьяс вылө найөс чукөртөм кындзи;

12) му веркөс да быдмөгьяс тшыкөдөм, вөчны позяна удж сикасьяс збыльмөдөм кындзи;

13) лэбач позьяс жугөдөм;

14) аншлагьяс, шлагбаумьяс, стендьяс, мудор петкөдлысь сюрьяяс, мукөд юөртан пас да индалысь, экологическөй ордымьясса да шойччан местаясса оборудование бырөдөм да торкөм, пуяс вылын гижалөм да пасьяс вөчөм.

6.2. Заказниклөн мутасын позьө:

1) нуөдны наука-туялан уджьяс заказникөн веськөдлысь органкөд сөгласуйтөмөн;

2) оланпастэчасөн урчитөм пөрадокын любительскөя да спортивнөя кыйсьыны;

3) котыртны да нуөдны вөр овмөс, нуөдны вөрьясын пөжарысь да санитарнөй боксянь видзчысьөмсө могмөдан мероприятиеяс вөр йитөдьяс ладмөдан юкөнын оланпастэчасөн урчитөм пөрадокын тайө Положениелөн 6.1 пунктса корөмьяс төд вылө босьтөмөн;

4) стрөитны, выльмөдны линейнөй объектьяс, вөдитчыны наөн сэк, кор найөс оз позь меститны мөдлаө, а сідзжө заказниклысь уджалөмсө могмөдөм могысь, заказникөн веськөдлысь органкөд сөгласуйтөмөн;

5) капитальнөя дзоньтавны линейнөй объектьяссө заказникөн веськөдлысь органкөд сөгласуйтөмөн;

6) нуөдны овмөс да мукөд уджлысь мөд сикасьяс, мыйысь абу өлөдөма вөр-ваөн вөдитчан да гөгөртас видзан юкөнын оланпастэчасөн да тайө Положениелөн, оланпастэчасөн урчитөм пөрадокын.

7. Бӱртас

7.1. Заказниксӧ, сы лыдын сылӧн мутасын меститчӧм вӱр-ва комплексъяссӧ да налысь компонентъяссӧ, видзӧны вӱр-ваӧн вӧдитчан да гӧгӱртас видзан юкӧнын оланпастэчас серти.

7.2. Заказниклӧн вӱр-ва комплексъяслы да налӧн компонентъяслы лектор вӧчан грӧз артмӧм дырйи сылӧн мутасын вӧчны позяна удж сикасыяссӧ дзескӧдӧны, недыр кад кежлӧ дугӧдӧны либӧ дугӧдӧны пӧрадокын, кутшӧмӧс урчитӧма оланпастэчасӧн.

7.3. Заказниклысь мутассӧ места вылын индӧны ӧлӧдан да юӧртан пасьяс сувтӧдӧмӧн, а сӧдзжӧ торйӧдӧны тематическӧй картография материалъяс вылын.

7.4. Заказниклӧн вӱр-ва комплексъяслы либӧ налӧн компонентъяслы вӧчӧм лекторсӧ колӧ вештыны Россия Федерацияса оланпастэчас серти.

7.5. Йӧзӧс, кодъяс мыжаӧсь заказник торйӧн ӧна видзан урчитӧм режим торкӧмын, кыскӧны кывкутӧмӧ Россия Федерацияса оланпастэчас серти.

7.6. Заказник торйӧн ӧна видзан урчитӧм режимлӧн уджалӧм да сӧйӧс могмӧдӧм серти мероприятиеяс збыльмӧдсьӧны Коми Республикаса республиканскӧй сьӧмкуд сьӧм тшӧт весьтӧ да оланпастэчасӧн абу ӧлӧдӧм мукӧд ӧшмӧс тшӧт весьтӧ.

Пасйӧд. Меститчанӧнсӧ да мудорьяссӧ опишитӧма Шойнатыса лесничестволысь 2013 вося вӱр овмӧс котыртан да нуӧдан материалъяс тӧд вылӧ босытӧмӧн.